

6 мая 2026. Среда. Преполовление Пятидесятницы. Влмч. Геóргий Победоносец.

6 мая 2026. Среда. Преполовление Пятидесятницы. Влмч. Геóргий Победоносец.

3-й час

Тропарь Преполовления Пятидесятницы, глас 8

Преполовившуся празднику, жаждушую душу мою благочестия напой водами, яко всем, Спасе, возопил еси: жаждай да грядет ко Мне и да пиет. Источниче жизни нашея, Христе Боже слава Тебе.

Слава Отцу, и Сыну, и Святому Духу.

Тропарь св. влмч. Георгия Победоносца, глас 4

Яко пленных свободитель и нищих защититель, немощствующих врач, православных поборниче, победоносче, великомучениче Георгие, моли Христа Бога спастися душам нашим.

Кондак св. влмч. Георгия Победоносца, глас 4

Возделан от Бога, показался еси благочестия делатель честнейший, добродетелей рукояти собрав себе: сеяв бо в слезах, веселием жнеши, страдальчествовав же кровию, Христа приял еси и молитвами, святе, твоими всем подаеши прегрешений прощение.

6-й час

Тропарь Преполовления Пятидесятницы, глас 8

Преполовившуся празднику, жаждушую душу мою благочестия напой водами, яко всем, Спасе, возопил еси: жаждай да грядет ко Мне и да пиет. Источниче жизни нашея, Христе Боже слава Тебе.

Слава Отцу, и Сыну, и Святому Духу.

Тропарь св. влмч. Георгия Победоносца, глас 4

Яко пленных свободитель и нищих защититель, немощствующих врач, православных поборниче, победоносче, великомучениче Георгие, моли Христа Бога спастися душам нашим.

Тропарь Преполовления Пятидесятницы, глас 8

Преполовившуся празднику, жаждушую душу мою благочестия напой водами, яко всем, Спасе, возопил еси: жаждай да грядет ко Мне и да пиет. Источниче жизни нашея, Христе Боже слава Тебе.

Божественная Литургия свт. Иоанна Златоуста

6 мая 2026. Среда. Преполовление Пятидесятницы. Вмч. Геóргий Победоносец.

Входное

Попразднство Пасхи: Приидíte, поклонímся и припадём ко Христú. Спасí ны, Сýне Бóжий, Воскресый из мёртвых, поющия Ти: аллилу́иа. **Единожды.**

Затем лик поет тропари и кондаки по уставу.

Тропарь Преполовления Пятидесятницы, глас 8

Преполовившуся празднику,/ жаждущую душу мою благочестия напой водами,/ яко всем, Спасе, возопил еси:/ жаждай да грядет ко Мне и да пиет.// Источниче жизни нашаея, Христе Боже слава Тебе.

Тропарь св. вмч. Георгия Победоносца, глас 4

Яко пленных свободитель,/ и нищих защититель,/ немощствующих врач,/ православных поборниче,/ победоносче, великомучениче Георгие,/ моли Христа Бога// спастися душам нашим.

Сла́ва Отцú, и Сýну, и Свято́му Дúху.

Кондак св. вмч. Георгия Победоносца, глас 4

Возделан от Бога,/ показался еси благочестия делатель честнейший,/ добродетелей рукояти собрав себе:/ сеяв бо в слезах, веселием жнеши,/ страдальчествовав же кровию,/ Христа приял еси и молитвами, святе,// твоими всем подаеши прегрешений прощение.

И ны́не, и прísно, и во ве́ки веко́в. Ами́нь.

6 мая 2026. Среда. Преполовление Пятидесятницы. Вмч. Геóргий Победоносец.

Кондак Преполовления Пятидесятницы, глас 4

Празднику законному преполовляющуся,/ всех Творче Владыко,/ к предстоящим глагола еси Христе Боже:/ приидите и почерпите воду бессмертия./ Темже Тебе припадаем, и верно вопием:/ щедроты Твоя даруй нам, // Ты бо еси источник жизни нашея.

Чтение Апостола

По окончании Трисвятого диакон, возглашает: Вóнмем.

Священник: Мир всем.

Чтец: И дýхови твоемý.

Диакон: Премýдрость.

Прокимен преполовления Пятидесятницы

Чтец: Прокимен, глас 3: Велий Господь наш, и велия крепость Его, и разума Его несть числа.

Лик: Велий Господь наш, и велия крепость Его, и разума Его несть числа.

Чтец: *Стих:* Хвалите Господа яко благ псалом: Богови нашему да усладится хваление.

Лик: Велий Господь наш, и велия крепость Его, и разума Его несть числа.

Прокимен св. вмч. Георгия Победоносца

Чтец: Прокимен, глас 7: Возвеселится праведник о Господе и уповает на Него.

Лик: Возвеселится праведник о Господе и уповает на Него.

Диакон: Премýдрость.

Во время пения прокимна и чтения Апостола диакон кадит престол, алтарь, служащих, а также иконостас и весь народ.

И чтец надписание Апостола: Деяний святýх Апóстол чтéние.

6 мая 2026. Среда. Преполовление Пятидесятницы. Влмч. Геóргий Победоносец.

И паки диакон: Вóнмем.

Рядовое:

Зачало 34 В среду 4-я недели, Преполовения. (Деян.14:6-18)

Во дни оны, Павел и Варнава прибегоста во грады Ликаонския, в Листру и Дервию, и во окрестныя их, и тамо беста благовествующа. И некто муж в Листрех немощен ногама седяше, хром от чрева матере своя сый, иже николиже бе ходил. Сей слышаше Павла глаголюща, иже возрев нань и виде, яко веру имать здрав быти, рече велиим гласом: тебе глаголю во имя Господа Иисуса Христа, встани на ногу твою прав. И абие возсочи и хождаше. Народи же виде, еже сотвори Павел, воздвигоша глас свой, ликаонски глаголюще: бози уподобльшеся человеком снисдоша к нам. Наричаху же убо Варнаву Дия, Павла же Ермия, понеже той бяше начальник слова. Жрец же Диев, сущаго пред градом их, приведе юнцы, и принесе венцы пред врата, с народы хотяше жрети. Слышавша же апостола Варнава и Павел, растерзавша ризы своя, вскочиста в народ, зовуща и глаголюща: мужие, что сия творите? И мы подобострастна есма вам человека, благовествующа вам, от сих суетных обращаться к Богу живу, Иже сотвори небо и землю, и море и вся, яже в них. Иже в мимошедшия роды оставил бе вся языки ходити в путех их. И убо не несвидетельствована Себе остави, благотворя, с небесе нам дождевы дая, и времена плодоносна, исполняя пищу и веселием сердца наша. И сия глаголюща, едва устависта народы не жрети има, но отыти коемуждо во свояси.

св. влч. Георгия Победоносца:

Зачало 29 В субботу 4-я недели. Сие же и святому мученику Георгию и Иакову Зеведееву. (Деян.12:1-11)

Во дни оны, возложи Ирод царь руце озлобити некия иже от церкви, уби же Иакова, брата Иоаннова, мечем. И виде, яко где есть иудеем, приложи яти и Петра, бяху же дние опресночнии. Егоже и емь всади в темницу, предав четверем четверицам воинов стрещи его, хотя по Пасце извести его к людем. И убо Петра стражаху в темнице: молитва же бе прилежна бываемая от церкви к Богу о нем. Егда же хотяше его извести Ирод, в нощи той бе Петр спя между двема воинома, связан железнома ужема двема, стражие же пред дверьми стражаху темницы. И се Ангел Господень предста, и свет возсия в храмине: толкнув же в ребра Петра, воздвиже его, глаголя: востани вскоре. И спадоша ему ужа железная с руку. Рече же Ангел к нему: препояшися и вступи в плесницы твоя. Сотвори же тако. И глагола ему: облещыся в ризу твою и последствуй ми. И изшед вслед его

6 мая 2026. Среда. Преполовление Пятидесятницы. Вмч. Геóргий Победоносец.

идяше и не ведяше, яко истина есть бывшее от Ангела, мняше же видение зрети. Прошедша же первую стражу и вторую, приидоста ко вратом железным, вводящим во град, яже о себе отверзошася има, и изшедше преидоша стогну едину, и абие отступи Ангел от него. И Петр быв в себе, рече: ныне вем воистинну, яко посла Бог Ангела Своего и изъят мя из руки Иродовы и от всего чаяния людей иудейских.

Священник: Мир ти.

Чтец: И дýхови твоемý.

Диакон: Премýдрость.

Чтец: Аллилúиа. Аллилúиа. Аллилúиа, глас 1.

Лик: Аллилúиа. Аллилúиа. Аллилúиа.

Аллилуиарий преполовления Пятидесятницы

Чтец: Помяни сонм Твой, егоже стяжал еси исперва.

Лик: Аллилúиа. Аллилúиа. Аллилúиа.

Чтец: Бог же Царь наш прежде века, содела спасение посреде земли.

Лик: Аллилúиа. Аллилúиа. Аллилúиа.

Аллилуиарий св. вмч. Георгия Победоносца

Чтец: Праведник, яко финикс, процветет, яко кедр, иже в Ливане, умножится.

Лик: Аллилуиа. Аллилуиа. Аллилуиа.

Задостойник, глас 8

Чужде матерем девство,/ и странно девам деторождение:/ на Тебе, Богородице, обоя устроишася./ Тем Тя, вся племена земная,// непрестанно величаем.

Причастны

Причастен преполовления Пятидесятницы

Ядый Мою Плоть, и пияй Мою Кровь, во Мне пребывает, и Аз в нем, рече Господь.

6 мая 2026. Среда. Преполовление Пятидесятницы. Вмч. Геóргий Победоно-
сец.

Причастен св. вмч. Георгия Победоносца

В память вечную будет праведник, от слуха зла не убоится.

Аллилу́иа. Аллилу́иа. Аллилу́иа.